

摘藻堂四庫全書薈要

史部

欽定四庫全書叢要

史部  
硃批諭旨卷二上

詳校官編修臣繆晉

欽定四庫全書薈要卷七千八百七十一

史部

硃批諭旨卷二上

硃批齊蘇勒奏摺

雍正元年二月初六日署理河道總督山東按察使臣齊蘇勒謹

奏爲欽奉

上諭事雍正元年二月初二日署山東按察使監察御史佟吉圖傳

上諭秦家廠馬營口左近看一高阜之處建造

淮黃龍王廟宇動用銀兩准在三萬上下此廟內凡有會入黃河河道之

龍神俱安奉配享欽此欽遵臣會同護撫臣年欽元

詳加踏看於秦家廠之東馬營口之西得地一區高阜平敞堪以建廟現在遴委印河官員料估工料價值造冊到日臣等核實

奏明擇吉興工外所有遵



旨相度地址情由合先具摺

奏明謹

奏

照依所奏修建此工不必動用正項錢糧候朕頒發內帑前來

雍正元年四月二十二日總督河道臣齊蘇勒謹  
奏為陳明微悃仰祈

睿鑒事竊臣至愚極陋蒙

皇上高厚之恩兩月之間超拔總河重任

知遇之隆世所罕覯

臣

自揣愚拙深慮隕越惟有竭盡

駑駘夙夜兢兢以圖報

聖恩於萬一耳

臣

前於河南武陟起程查看黃運兩河

工程甚屬殘廢更有應行預防之要地而河員置

若罔聞必至十分危迫方行搶救其於防微杜漸

之道全然不講殊不思少失機宜則一丈之險頓

成百丈千金之費糜至萬金

臣

見此情形深恐貽

誤隨即嚴加面飭一面飛發道庫錢糧及時搶修以防大汛一面確估核減陸續

題報外再查兩岸年久舊工較之二十年前大相懸殊臣於康熙三十八年及四十二年跟隨

聖祖仁皇帝閱視之際如清口

御製大壩為全河咽喉并下中河一帶乃數百萬

天儲經行要地當年長堤大壩何等堅固今則堤殘埽腐僅存舊蹟其餘各工殘缺斷落之處難以悉

數可見河工廢弛已非一日歷年

天下人共知之事也

奏銷不無虛冒也再查道庫錢糧收發出入甚不清

楚而各員所領銀兩核對所做工程每不抵半臣

沿工逐一丈量指示虛冒情弊各員無詞掩飾惟

哀懇情愿補足賠修臣再四思維河工廢弛已久

若即執法深究則叅不勝叅不惟株連者衆而於

錢糧工程兩皆無益謹仰體

皇上暫為勒限一月令其照數暗補賠修今一月之限

好理

己滿乃竟有愍不畏法工程仍然廢弛如淮安府  
應叅劾示懲

外河同知王德祚署安清中河通判張增者斷難  
一日姑容除另疏嚴叅以儆不職外其餘各員現  
在彌補趕修臣不時巡察如有工程不實賠補不

此等

清者再為特疏究叅治罪再有陳者臣衙門一應  
此等瑣屑處朕總置之不問但向爾等封疆大臣責成

日久

還朕一好字而已日用供給俱係各廳員備辦伏思河員除領帑之  
外別無餘項此等供給無非將領出公帑瓜分餽

送帑項既多冒銷工程必致虧缺臣業經嚴行禁

革至臣所轄河員多屬縉紳紈袴事冗人雜臣正  
在杜絕情面盤查釐剔之時不無取怨招尤唯賴  
皇上無微不照保惠矜全則有生効力之年皆

洪恩再造之日矣謹

奏

知道了爾但秉公除私做去朕保爾安然無事若因倚  
信之後遂爾放膽負朕自有

天鑒諒爾亦有所不忍也尤宜虔誠感格

神明為要特諭

雍正元年六月初五日總督河道臣齊蘇勒謹

奏為飛報時雨大霈河水充盈重艘得以遄行事竊  
照山東亢旱泉乾湖涸以致頻年漕運梗阻濟兗  
一帶民間乏食仰蒙我

皇上大沛恩綸發粟賑濟又念運道淤淺恐饑民不堪  
重役

特發帑金大興挑濬寓賑濟於興役之中臣等會同山

東撫臣黃炳仰體

皇仁多僱乏食貧民現給工價將運河一帶俱經挑挖  
深通又復疏濬泉湖開渠導引奈天旱已久上流

微弱所引不抵所涸漕運維艱臣等計無所出惟  
爾能虔誠勤敬焉有不感格

敬述我

上蒼獲蒙神明垂佑之理勉之

皇上念切民生興役寓賑之至意申疏

泰山神祇虔誠祈禱於本月初三日大雨如注連降  
二日河水漲滿濟寧糧艘向之淺滯河底者盡皆



浮起遄行聞漕臣張大有已將江南重艘躬督入  
泐從此各幫穰穰而來啣尾北渡臣復檄沿河各  
官分布催趲無間晝夜務期兼程前進俟過濟之  
後順流而下更易為力計日可達

天庾臣謹率山東布政使佟吉圖繕摺飛報上慰  
聖懷謹

奏

覽奏大慰朕懷大約漕運之事從此可望治矣今正當

伏汎之後爾可急往料理南北二河要緊爾雖報効心切亦當照顧自己精力況爾年非少壯加意愛養身體庶可為朕多効數年之力天氣盛暑不必勉強過勞也賜爾香念珠紫金錠其所降諭旨即令來人口傳朕躬大安爾不必為朕過慮但專心料理河務重任可也特諭

雍正元年六月二十二日總督河道臣齊蘇勒謹奏為恭請

聖安仰慰

睿懷事臣於雍正元年六月十五日接到

大行仁壽皇太后遺詔五內驚摧北望擗踊隨遵

制供奉舉哀服孝將奉到日期另疏

題報外欽惟我

皇上性成純孝孺慕彌殷上年

聖祖皇帝升遐臣親見

皇上朝夕哭臨悲慟之情罔極雖釋服聽政每於

先帝舊臣奏對所及即哀從衷來潛然淚下

聖體不自知其過勞而

天顏已日為之減悴茲復遇

皇太后鸞馭上昇中懷又必慘切我

皇上孝思不匱懷見愾聞原無有盡之時微臣何敢瀆

請抑情但

聖躬係天下萬國之

主四海臣民所依賴伏願

念丕承之重少節

哀思以慰羣望天下幸甚臣民幸甚為此繕摺恭請  
聖安謹

奏

知道了朕實無可如何亦惟有勉強自節時以

皇考付託之重為念耳

同日又

奏為恭謝

天恩事竊臣齋摺家人回南捧到

皇上批回摺子暨

賞賜香念珠紫金錠臣於南旺舟次跪接叩頭謝

恩祇領訖伏思臣以草芥微軀過蒙

聖眷垂憐乃以加意愛養身體不必勉強過勞為

諭臣何人斯膺茲

天語捧讀之下不禁感激涕零但臣受

恩深重雖肝腦塗地尚不能圖報於萬一何敢以身任

河防苟為自安也惟遙祝我

皇上聖體安和於億萬斯年下慰天下臣民之望以稍  
盡犬馬之忱耳為此繕摺恭謝

天恩謹

奏

覽爾奏謝知道了爾所叅佟吉圖余甸等四人朕已有  
旨俱著革職等因令爾同嵇曾筠察審定擬具奏矣  
雍正元年九月初二日總督河道臣齊蘇勒謹

奏為欽奉

上諭事竊臣前遵

諭旨將會看建造淮黃龍王廟地基並委員確估工料  
造冊到日

奏明擇吉興工緣由具摺奏

聞奉有

硃批諭旨臣隨一面遴委賢員估計去後嗣據冊估前  
來內開裝塑神像以及建造廟宇木植土石磚瓦



石灰釘鐵顏料等項併匠工銀通共估用銀二萬

八千九百三十八兩三錢零再查豫省松木本屬

楊木恐不耐久再可酌量稀少今以楊木配用合併聲明等因到臣臣核實

無異相應奏

所估錢糧數目不覺少耶爾其斟酌如可成一體統具

聞恭惟我

有觀瞻則已耳

皇上為民建廟出自

聖心擇吉興工攸關

盛典俟

命下之日臣行文欽天監選擇吉期以便興工理合一  
已命欽天監選定十月十三日卯時動土興工吉期  
併具摺請

旨為此謹

奏

所動用司庫錢糧於工程完畢後核實確數著該撫報  
明戶部以便朕將內庫錢糧照數發出交與戶部令其  
將豫省應解部餉抵兌也特諭

雍正二年三月初七日總督河道臣齊蘇勒謹

奏為恭謝

天恩事竊臣齊摺家人回南恭捧

皇上恩賞

御書福字一幅全羊一隻到臣臣隨即恭設香案望

闕叩頭謝

恩祇受訖欽惟我

皇上宸翰輝煌敷布九天雨露

御書璀璨昭回萬國文明臣何人斯恭逢

曠典兼蒙

恩錫上方異味跪接之下感激無地惟有益加儆惕竭  
盡駑駘務期一切河道寧謐遙祝我

皇上萬年景福於無疆耳理合繕摺恭謝

天恩謹

奏

知道了爾之聲名朕耳中頗有不足之言因念爾有參  
佟吉圖余甸之事此二人皆大有手眼結交最廣所以

一切評論朕俱置之不聞不問但爾當自省有則改之無則加勉爾受朕如此信任若更負朕則天下人皆不可用矣朕不即加之罪

上天亦必不爾容也倘係他人將無干涉之事誣爾斷不能搖惑朕之耳目假若實有憑據朕亦不為爾姑寬也至爾屬員借端生事爾或察訪不到或知而不舉又從而護庇之一如爾自為無異亟當甄別賢否嚴飭屬員為第一要著慎毋徒代他人受過將公清二字時刻置

於懷抱間自必感召

上蒼之佑庇河道平成之功朕可為爾力保也從來一切  
事功之成全賴

天地神明默相佑助此理昭然可信豈可徒恃一人之才  
力而望成效耶特諭

同日又

奏為恭報江口運河得水糧艘通行無阻事竊照大  
江以南丹徒丹陽一帶運河前因江水未發潮汐

不湧以致河流微細臣以運道關係緊要先差淮揚道等星飛前往會同該地方官築壩收束潮水去後臣續

題明自清江浦起程親赴督催在案今勘得運河淺澁之處自三月初一日時雨大霈江潮湧漲之後江水自行灌入運河現在各幫重運遄行無阻陸續過江北上所有江口一帶運河得水漕艘遄行情形理合繕摺奏

金  
卷二  
聞仰慰

聖懷謹

奏

覽所奏大慰朕懷但爾任內之事惟河南一帶河身淤  
高連年衝決乃朕所日夜憂心者其餘猶為次之爾若  
竭力能保豫省一兩年無事其功不小他處任爾如何  
効力究不過尋常事耳

雍正二年閏四月十五日總督河道臣齊蘇勒謹



奏為欽奉

上諭事竊

臣

與副總河

臣

嵇曾筠會議預防伏汛事竣

自碭山縣起程前赴東省適值新任廣西撫

臣李

紱由徐州赴任與

臣

接見傳述恭請

聖訓之時蒙

天語詢及淮揚運河淤墊年久水高於城甚屬危險情形李紱奏稱若於運河之西另挑新河一道將挑河之土另築西堤而以舊河之身作為東堤則東

面有兩道堤工庶幾永無潰決之患等語奉

上諭所言似甚屬有理此去所經之地有與齊蘇勒相近之處務必親往與之面相商酌如果有益運道民生朕不惜費欽此欽遵轉傳到臣臣跪聆之下仰見我

皇上宵旰憂勤無刻不以運道民生為念永期底定之至意伏查淮揚一帶運河綿長三百餘里由黃淮交會之區分流入運直達於江向因淮不敵黃濁

流倒灌以致運河年久淤墊水高於城而沿堤城  
社勢若居於釜底甚屬危險今議於運河之西改  
挑新河另築堤岸誠屬易危為安之見但運河西  
岸堤傍或有城郭民社碍隔挑河之處或有湖水  
相連難以築堤之所其間必須酌量躲避方為至  
妥再舊河之涵洞石堤可否改移新河之宣節關  
鍵應否添設事關重大未敢輕率定議容臣於秋  
穫之後遍歷詳勘細度地勢情形斟酌萬全再行

陳

奏恭候

聖裁理合繕摺先行奏

聞伏乞

皇上睿鑒施行謹

奏

朕命李紱來傳諭旨不過令爾得知有此一論細細再  
為斟酌並不謂其所奏必可行也大率河官惟希望興

舉工程爾屬員多不可信況此事關係甚大豈可孟浪  
若徒勞無益而反有害不但虛耗錢糧抑且為千古笑  
柄倘果於國計民生有益亦不可畏難而中止總在爾  
詳悉籌畫妥確將始終利害通盤打算定時備細一一  
奏聞並非目下急務尤非輕舉妄動之事也

雍正二年閏四月二十二日總督河道臣齊蘇勒  
謹

奏為

聖主恩逾再造臣圖報靡涯瀝忱恭

謝事竊臣一介微陋秉性愚昧荷蒙

皇上天高地厚之恩覆庇包容加以

天語訓誨諄諄勗戒雖慈父之教子未及若是之周詳

臣何人斯獲邀

恩眷以至於此跪讀之下且感且泣自當鏤骨銘心刻

刻敬凜字字遵守惟是臣冒昧無知干蹈罪戾實

切悚惶茲接准部文荷蒙

皇上寬恕不加重罪是臣一生愚拙全賴

聖主矜憐惟有恪遵

聖訓矢慎矢勤潔已率屬不辭勞瘁竭此犬馬餘年仰

報

皇恩於萬一耳理合繕摺恭謝

天恩伏乞

睿鑒謹

奏

所奏已悉人非聖賢孰能無過過而能改則無過矣爾等外任大臣但以不袒護屬員秉公甄別賢不肖懲惡獎善為第一要務大都偏於優柔不斷者往往皆受此累山東河工同知董廷柱者向乃趙世顯之用人家私巨富將河工錢糧冒銷至數十萬之多若止予以叅革猶不足以蔽其辜可一面糾叅一面搜索其宦資必使其囊橐一空庶幾警戒不法爾倘徇一毫情面或留地步或令其預聞防備日後被朕訪聞則明知故犯之咎



難辭也爾差的當人或行文與陳世倌傳旨查拏總在爾斟酌而行但須嚴密耳拏後即將其貪冒款項一一審明具奏特諭

同日又

奏為奏

聞事竊臣准吏部咨開吏戶兵三部會議覆奏侍郎臣嵇曾筠前請增河員汎并改設河兵一疏奉

上諭嵇曾筠已授副總河職銜伊奏請添設河兵一事

爾等所議毋庸添設但總河駐劄南河兼管運河與河南黃河相去甚遠猝有緊要工程實難兼顧或將河南黃河另著副總河管理若無標下官兵難供驅使總河標下河兵十營為數甚多或令齊蘇勒酌撥分給務期永遠可行爾等詳議具奏欽此部議令河臣相度宜安處所數目酌撥分給等因覆

奏奉

旨依議欽此欽遵咨行到臣臣遵即飛檄江南各營酌

撥河兵八百四十名連去歲今春經臣撥留豫省  
協濟之兵一百六十名共足一千名并選撥千總  
把總各三員令其管轄尅期帶領前往聽候副總  
河隨工調用以防大汛其官兵俸餉即行開除應  
於就近河南藩庫內支給外至於撥去官兵作何  
安插居址宜安處所數目等項臣遵即隨後前往  
會同副總河臣嵇曾筠河南撫臣石文焯細加勘  
議相度工程之險易酌派河兵之多寡量工安置

斟酌妥確會疏具

題理合繕摺覆

奏伏乞

皇上睿鑒施行謹

奏

知道了料理甚好但北河事務爾仍不得卸責朕原命  
嵇曾筠前來助爾若伊在工有益則已倘有掣肘不便  
或徒多事實無益處爾其奏聞即可撤回

雍正二年七月二十九日總督河道臣齊蘇勒謹

奏為飛報事竊臣據外河同知呂維炳報稱七月十

九日卯時海風大作海潮泛漲陡高一丈有餘黃  
河入海之口二水相激近海堤岸工程甚是危險  
卑職協同在工員弁嚴督兵目人夫上緊保護連  
夜修防至二十日巳時水勢漸次消落堤埽未動  
等情呈報前來臣念近海工程所關甚鉅隨即星  
夜親往踏看幸海潮退速黃水遙行安東以下近

海工程俱各平穩海口並無沙淤臣在工次又據

鹽城縣報稱七月十九日卯刻海中颶風陡作鹹

潮驟漲及二十日辰刻潮頭洶湧直撼城脚已時

以後水勢始覺稍平除一面行查各里各場責令

城內城外地保人等各擇寺廟安插被淹人民并

親赴新興場等處一體安輯撈救俟各里各場報

到之日再行申報外先應具文通報等情到臣臣

加意

撫恤必飭令屬員實心奉行方好若虛應故事何  
即飛飭淮揚道前往督率該地方官遍查被淹人

盜之有

民加意撫綏務令得所其鹽城一帶人民廬舍漂沒之數現據該地方官查明申報應聽督臣撫臣具

題外所有海水泛漲海口工程平穩情形合先具摺奏

聞伏乞

皇上睿鑒謹

奏

此番工程得保無虞皆卿勤勞忠誠有以感格

上天神明護佑之所致據查弼納黃叔琳等奏報此次海  
嘯光景甚覺洶湧朕為沿海一帶工程正在懸念覽奏  
深慰亦代爾不勝慶幸也

同日又

奏為奏

聞事竊臣於今夏前赴豫省安插河兵候過伏汛由徐  
州一帶查看江南黃河兩岸堤埝工程於本月初



十日回署當經

題明在案自臣回署之後料理江南黃運湖河修防  
秋汛事宜俱各完畢伏念豫省黃河連年俱有泛  
溢之處屢蒙

上諭諄切備極周詳今歲伏汛平穩河流已有循軌之  
勢但入秋以來陰雨連綿正當秋汛喫緊之候而  
河南加幫要工至今尚未報竣臣心時切惴惴今  
臣仍由邳徐一帶前赴河南交界地方以便居中

策應上下兼顧就近催僱加幫堤工以防秋汛所  
有臣仍赴河南交界緣由理合具摺奏

聞謹

奏

河南加幫要工至今尚未報竣是何情由著石文焯  
曾筠明白回奏該部知道

雍正二年九月初二日總督河道臣齊蘇勒謹  
奏為恭報秋汛工程平穩情形仰慰

聖懷事竊

臣

由邳徐一帶前至河南交界看得黃河秋

汛水勢雖大而大溜順暢多就中泓據河南管河道廳呈報武陟以下勢皆平穩惟虞城南岸待賓寺之縷堤地處窪下於水漲之時漫坍堤頂幸賴背後舊有月堤一道圈住漫水未至成流當經該管印河各官隨即搶禦無虞臣親至其地踏看形勢又令於新壩之外幫築餞堤一層以保永固伏查江南今歲秋汛清黃並漲臣前在清口目擊情

形預行指示該管各官倘黃水再加異漲即將徐州之王家山毛城舖等處閘壩相機開放以洩其勢以保堤工各官遵照行之今據報各工埽壩竟得平穩再洪澤湖水勢亦甚浩瀚各工紛紛報險屢請照例開壩宣洩臣念湖水乃敵黃濟運之根本若因工程危險止救目前輕率開洩倘失敵黃濟運之資所關甚鉅於是決意不准開洩一面嚴飭加謹保守險工一面將蔣家閘天然等壩堅固

堵閉不許涓滴外洩幸湖水雖大風浪不作堤壩  
寧謐茲據各工以工程平穩湖水存蓄情形陸續  
呈報前來除俟過霜降後照例繕疏

題報外所有江南豫省秋汛平穩情形合先具摺奏  
聞以慰

聖懷謹

奏

閱奏大慰朕懷爾此番甚屬可嘉題本到時朕另有恩

旨以獎爾之忠勤也

雍正二年十月二十一日總督河道臣齊蘇勒謹

奏為恭謝

天恩事竊臣接准吏部咨開奉

旨齊蘇勒著給與世襲拜他喇布勒哈番仍行令齊蘇勒將河工實在効力行走勤勞顯著之員察明送部議敘該部知道欽此欽遵移咨到臣隨恭設香案望

闕叩頭謝

恩訖伏念臣叨荷

聖主隆恩不次超擢畀以全河重寄自惟謏劣懼難勝任恭惟我

皇上宵衣旰食念切運道民生疊頒

訓旨俾臣有所遵循幸免隕越今歲秋水雖大而黃淮順軌實皆我

皇上愛民誠切感格

天和之所致也至於河工修防上賴

國帑下藉羣力臣不過往來督率分所當然並未著有異勞乃蒙

聖主賞給世襲拜他喇布勒哈番恩及臣之子孫臣雖捐軀圖効何能報稱惟有盡此餘年勉竭駑駘并囑臣子臣孫世世効犬馬之力仰報

皇恩於萬一耳除另疏奏

謝并將實在勤勞顯著之員遵



旨察明送部議叙外理合繕摺恭謝

天恩謹

奏

卿之勤勞固不待言而一塵不染獨立不倚從未聞在京夤緣結交以求輔助更屬可嘉勉為之慎毋少移此志倘有為難掣肘之處竟行密奏朕自秉公主持或有瑣屑不能奏聞隱情怡親王公忠為國人也可親近之朕保爾因不失其親也其他則徒有累而無益密之密

之

同日又

奏為欽奉

上諭事竊臣前因廣西巡撫臣李紱奏陳淮揚運河之

西另挑新河一事欽奉

諭旨令李紱與臣商酌臣以事關重大未敢輕率定議  
容於秋穫之後詳勘再奏等因具摺奏

聞奉到

皇上硃批仰見我

皇上洞悉河防慎重周詳之至意今臣因赴京口之便  
往來淮揚一帶細度河勢情形查看得自淮至揚  
運河綿長三百餘里上接洪澤下通江口由漢唐  
迄今歷年修防底定已久一切喫緊之處多屬石  
堤而閘壩涵洞共有七十餘座一則因時啓閉以  
濟漕運一則蓄洩得宜以灌民田此千百年來相  
仍而不易者也其河之西岸逼臨白馬寶應界首

高郵邵伯等湖上下相連水勢汪洋一望無際今  
若於河西另挑新河一道勢必改築西堤於湖水  
之中不但無處取土畚鍤難施而堤工亦無站立  
之基且揚州府城正臨西岸上下一帶百有餘里  
其間村莊稠密市鎮相望無可躲避更兼運河東  
岸之外高寶興泰等十州縣之民田咸資灌溉倘  
河身一改則東岸之間壩涵洞必皆廢棄而溝洫  
乾涸大妨民業其一應間壩涵洞若再另行創建

不惟糜費千百萬帑金而且大工終難告就於漕  
運民田均無裨益是李紱另挑新河之奏似可毋  
庸置議也所有勘過淮揚運河情形理合繕摺覆  
奏伏乞

皇上睿鑒施行謹

奏

知道了凡百處但只據實直陳為是彼所論原不甚妥  
雍正二年十二月十三日總督河道臣齊蘇勒謹

奏為恭謝

天恩事雍正二年十一月二十三日臣齋摺家人回南  
恭捧到

皇上恩賞奶餅果乾一匣臣於清口工次望

闕叩頭謝

恩祇領訖今又捧到

皇上硃批密摺

天語垂憐乃以臣一塵不染獨立不倚上邀

聖慈令臣有為難掣肘之處竟行密奏臣跪讀之下不  
禁感激涕零竊思臣生逢

聖世上有

明主臣雖獨立亦復何憂惟有恪遵

聖訓愈加操持一心出力仰報

皇上天高地厚之恩於萬一耳為此繕摺恭謝

天恩伏乞

睿鑒謹

奏

近日隆科多年羹堯大露作威福攬權勢光景朕若不防微杜漸此二臣將來必至不能保全爾等皆當疎遠之隆科多止論爾操守平常而年羹堯前歲數奏爾不學無術必不能料理河務今歲來京於陛見時言及黃河安瀾工已告成乃云大奇此皆皇上洪福云云朕以此知卿之獨立也惟有怡親王盛言爾之好處爾與王無交接朕知之最悉今既奉朕諭旨不必疑慮可於奏



摺之便時通音問親近之保於爾有益無損也況王公  
廉忠誠為當代諸王大臣中第一人爾其知之  
救生臺筏之奏甚好摺留覽

雍正三年正月二十四日總督河道臣齊蘇勒謹  
奏為恭請擇吉懸

扁開光以昭永久事欽惟我

皇上為民敬

神

特命於河南武陟地方建造

龍王廟臣遵奉

諭旨庀材鳩工遴員僱造今工程俱已告成現在彩畫  
於三月初旬即可全完所有

神像開光

御書扁額懸掛日期事關

鉅典仰祈

皇上勅下欽天監選擇吉期頒行到臣容臣等敬謹遵

行理合繕摺請

旨伏乞

皇上睿鑒施行謹

奏

照欽天監看定日期舉行可也再者武陟一帶工程聞  
去冬備辦各料物俱已遲悞果然否此工關係非細爾  
等何忽畧如此耶

雍正三年二月二十七日總督河道臣齊蘇勒謹

奏為奏

聞事臣前奏恭請擇吉懸

扁一摺奉到

皇上硃批臣跪讀之下不勝惶悚竊臣職司河防不能  
預為綢繆上塵

聖懷疎忽之罪實所難追隨即飛飭豫省各官上緊辦  
料加謹修防以禦桃汛去後續接副總河臣嵇曾  
筠來書云管河道不諳河務諸事掣肘如欽奉

上諭事案內加幫詹家店堤工屢飭給發銀兩堅以無  
項可支頂詳現今停工再預備本年歲修料物曾  
鈞於上年十月即飭借動河銀照上年所估之數  
先發十之五六詎亦藐不遵依如此執拗將來三  
汛水發何恃以無恐運道民生所關甚大祈速為  
裁奪等因前來伏思保守河防必須上下和衷協  
力共濟方克有益今副總河臣嵇曾筠與管河道  
陳世倬甚不相睦一應河防事宜每多各執己見

上下掣肘所關甚鉅臣不日前赴廟工恭懸

到豫後有嵇曾筠開引河一事朕已諭伊同爾共相斟酌

御扁俟到豫之時上緊嚴催各項料物以備伏秋大汛

并細加察訪伊等不睦實情另行具

奏外現今所辦料物可足桃汛應用不致貽誤合先

具摺奏

聞以慰

聖懷謹

奏

朕因此事大為憂心昨見嵇曾筠奏報桃汛已過河工  
平穩朕始放懷類斯等事當據實預奏不可容忍優柔  
前此何竟無一言因朕諭問始紛紛具奏甚負朕任用  
殊屬不及河之一事雖云在

天然人事不盡於心何安要當盡人事以聽

天可耳若少慢忽致有不虞朕為何等之君爾等為何等  
之臣耶朕實為爾等愧之再有如此等遲悞脫至債事  
朕斷不輕貸也

雍正三年四月初十日總督河道臣齊蘇勒謹

奏為請

旨事雍正三年三月二十六日河南撫臣田文鏡傳奉  
諭旨河神廟擬用銅碑此舉微有不當銅碑恐不能歷  
年久遠候齊蘇勒到豫爾等見面再為商量斟酌若  
可改石更好碑文朕尚未書欽此臣聞

命之下仰見我

皇上為民敬



神無事不圖久遠之至意臣前因豫省諸山所產之石質既粗黑兼多白瑕難作碑料是以照依石碑式樣鑄成銅碑一座今欽奉

諭旨令臣等再加商量或可改石當即遵

旨委員於隣省地方購覓青白碑料但臣等每見古剎銅鐘器皿等物雖歷年久遠而所刻陰陽字畫宛然不朽今此銅碑通身磨洗光明巍立

皇亭之中頗壯觀瞻似無上銹朽減之虞謹將銅碑小

樣進呈

御覽應否用石用銅之處臣等未敢擅便謹會同具摺  
懇請

聖明指示遵行謹

奏

據奏業經造成何必又費一番更改銅質自堅於石料  
但恐爾過於珍重御書而為無益多費之意耳朕因無  
暇碑文尚未書就候稍閒寫成即頒發來豫也

同日又

奏為奏

聞事竊臣先經

奏明赴豫由徐州沿河一帶前至武陟

廟工於三月二十七日敬為

神像開光恭懸

御書扁額併豫省士民感頌

皇恩懽呼頂戴情形已經會疏恭

謝外臣隨由武陟沿河查看秦家廠馬營等處堵過  
決口工程現在俱各淤成平陸甚屬平穩細看目  
今河勢較比往年日漸刷深兩岸河崖露出水面  
四五尺不等而中泓趨向已覺順軌此皆我

朕惟以手加額稱慶耳  
皇上至誠感格

河神默佑之所致也再兩岸各工應備物料臣恐發  
銀遲滯或至貽誤當經嚴催承辦各官令其上緊  
分頭採買拉運今查運到工所者已有十分之七

綽足伏汎之用其餘現在僸運不日即可全完其  
兩岸預防伏秋汎水事宜臣會同嵇曾筠沿工商  
酌備將捍禦做法面示印河各官逐一指交完畢  
臣今於四月初十日回赴江南料理黃運湖河一  
帶工程所有微臣回南日期理合一併奏

聞謹

奏

覽奏深慰朕懷爾之殫心竭力處實非尋常可比朕心

眷念於爾筆莫能喻當愛惜無益之力保養精神庶可  
為朕長遠効忠也

同日又

奏為奏明事竊照豫省祥符縣舊回回寨挑挖引河  
經副總河臣嵇曾筠摺奏奉

硃批諭旨令與臣商酌或應用挑水壩或應挑引河之  
處詳定而行欽此又准河南撫臣田文鏡咨稱准工  
部咨奉

旨嵇曾筠奏稱汎水長發以前及時挑挖引河方為有  
濟等語但此引河曾經挑挖完否並有無裨益之處  
現今齊蘇勒奏聞前往豫省著行文問齊蘇勒令其  
查明具奏若齊蘇勒事竣回任即著田文鏡查明具  
奏欽此欽遵轉咨到臣等看得挑挖引河必須上  
口正對頂衝而下口有建飯之勢方可吸引大溜  
歸入新河借其水力滌刷寬深以成河道今查回  
回寨引河嵇曾筠已經興工挑挖將完但上口之

地勢與現在之水向不甚相對臣等因往上首改挖三十餘丈以對頂衝以迎大溜然引河雖挖非挑水壩不能挑開大溜以入引河臣等欽遵

諭旨於對岸指示建築挑水壩一座挑溜順行以對引河之口俟水長之時相機開放俾大溜全歸新河庶河勢得以直暢東注而南岸老君堂等處之堤根可保無虞矣所有看明緣由理合具摺奏

聞伏乞



皇上睿鑒施行謹

奏

朕因慮嵇曾筠或料理不安所以有前諭今覽此奏方是  
是  
可謂得法矣

雍正三年九月初十日總督河道臣齊蘇勒謹  
奏為奏

聞事竊臣堵築豫省漫口事畢隨即回南查催黃運湖  
河工程由徐邳順流東下經駱馬湖出中河運口

直抵安東海門踏勘各處埽壩工程自入秋以來經過大水汕刷蟄陷之處今已搶護修整俱皆完竣其洪澤湖水勢今歲甚屬浩瀚七月間周橋一帶石工止出水面三尺臣將天然等壩盡行開放以洩其盈當時水已消減臣

題報在案續於八月中旬湖水又復加長止剩石岸一層臣因勢在緊急飛飭道廳等各官將天然壩開寬一百六十餘丈冀其暢洩仰賴

皇上洪福經月之久西風竟未一作浪靜波平自九月  
初一日水勢日漸消落工程幸獲平穩至睢寧縣  
漫口現在次第進埽所有對岸引河已經挑竣容  
臣相度機宜開放引河於漫口合龍之日另疏  
題報外恐厯

宸衷合將現今水勢消落工程平穩情形具摺先行奏  
聞以慰

聖懷謹

奏

工程平穩大慰朕懷漫口至今何尚未合龍耶所奏裁  
柳一摺現發九卿會議

同日又

奏為請立勸懲之法以節

國帑以裕工料事竊惟

國家需用錢糧多在兵河二項而治河物料全憑葦  
柳為先查歷年捲埽之葦俱係動帑購買每年所

費不啻千百萬束至於柳枝一項產自官園伐以濟用例不動正項錢糧蓋埽以柳為骨柳多則工堅而帑省若柳不敷用勢必以葦代之不惟工不堅固而且多費帑金是柳株之廣為栽種誠不容緩也伏查康熙十五年間曾經

題明立有勸栽議敘之法然舉行不過三五年而止

臣到任以來親見沿河兩岸柳株寥寥歷年雖有栽補之名每多春報栽植而秋報枯損終未見有

成效雖近有條陳捐栽議敘之例至今未見有具  
呈捐栽之人臣再四思維若不亟為整理將來不  
惟工料大虧而糜費錢糧恐無底止臣於去歲冬  
末傳集道廳各官細加籌畫一面勒令各營弁兵  
於空閒之地額定補栽柳秧一百萬株又勸廳營  
大小文武官員自通判守備以上各出已資栽種  
柳秧五千株州同千總以下各出已資栽種柳秧  
一千株方為稱職如果於此額外有能廣行栽種

為數甚多者自當照例

題請議敘去後今據各官共報捐栽過柳秧三十萬  
一千餘株各營弁兵共報補栽過柳秧九十二萬  
二千餘株臣經委員查看並親歷閱視除枯損之  
外現在已經成活者共有八十九萬二千餘株再  
臣往來看工見山東江南蓄水沮洳之地甚多似  
可佈種蘆葦臣於今春諭令廳員尋買葦根先種  
一二處試其物性土脈果否相宜現據徐屬同知

等報稱微山湖邊淺水有泥之處佈種葦墩共計  
八頃七畝零現今蔓延長發青蔥等語今栽柳種  
葦既已試有成效是勸懲之法不得不急為之計  
除今次道廳等官捐栽之柳葦係各盡職分毋容  
置議外臣請於前後所定捐栽柳秧議敘之例多  
寡之中量為增減嗣後附近印河文武員弁於山  
東河南沿河空閒官地內果有各出已資捐栽柳  
秧成活八千株者紀錄一次一萬六千株者紀錄



二次二萬四千株者紀錄三次三萬二千株者加  
一級有能於各湖內種葦二頃者紀錄一次四頃  
者紀錄二次六頃者紀錄三次八頃者加一級至  
効力各官有情願捐栽葦柳者亦照此例議敘再  
民人如有栽柳二萬株種葦四頃者仍照原定議  
敘之例給以頂帶榮身但目前正在工料匱乏亟  
宜整理之時若俟三年後酌量議敘恐人心退縮  
不前仰

請仍照舊例於冬末春初令其廣為栽種於次年春末夏初查驗成活數目相符者造冊送部

題明議敘以示鼓勵至於各處河營目兵補栽額柳向無議處之條今

請每兵一名每年栽柳一百株務期培養成活若不  
能如數栽植者將專汛之千把總罰俸一年守備  
罰俸半年倘或栽補柳秧成活不及一半者專汛  
之千把總降職一級暫留原任戴罪栽補守備罰

俸一年以彰懲戒如此三五年間處處柳株成林  
遍湖蘆葦叢生不惟工料充裕而且節省錢糧不  
啻倍蓰矣臣區區管見不知有當與否為此具摺  
奏請

聖明指示伏乞

皇上睿鑒施行謹

奏

九卿速議具奏

同日又

奏為恭謝

天恩事竊臣進摺家人回南恭捧

皇上恩賜涼帽一頂紫金錠一包平安丸一包臣即郊  
迎至署恭設香案望

闕叩頭祇領又接閱臣弟三等侍衛邊塔哈家信知蒙  
聖恩陞授二等侍衛臣復望

闕叩頭謝

恩訖伏念臣猥以非材謬膺重任時深隕越之懼頻叨  
賞賚之榮臣弟寸長未効又邀格外殊恩頂戴

洪慈實難報稱惟有益矢冰蘖共竭駑駘以圖仰答  
高深於萬一耳謹具摺恭謝

天恩伏乞

睿鑒謹

奏

知道了爾弟邊塔哈人材平常誠實而已較爾相去遠矣

雍正三年十二月十五日總督河道臣齊蘇勒謹奏為微臣據實陳情仰祈

聖明垂鑒事竊臣查總河衙門一切薪水之需向年俱係各廳供應每年約有一萬三千餘兩臣經

奏明禁止併將四季節禮槩行裁革在案再總河衙門原有號船七隻往來裝載每年可得水腳銀二

千餘金今已朽爛多年無項修理至臣標四營舊有坐糧四十分每年共得銀一千一百餘兩臣到任將此項銀兩交與臣標中軍以為修造墩臺製換盔甲器械之用又歷年鹽商陋規銀二千兩臣蒞任之初查臣標所轄官兵共四十營即將此銀為每年出操驗兵賞功犒勞等項之費惟是總河一官每年有查勘估計調度修防之責若不往來親歷難以懸定而伏秋兩汛又須駐劄三省適中

之地方可上下策應凡隨巡員役以及書吏卷案  
例不可少而車馬舟楫日用米蔬之需遠行多至  
數百金近者亦非一二百金不能辦集此項公費  
從前竭力設措尚可勉強支持今春由徐赴豫實  
有拮据萬難之勢查河庫道衙門每年經收各省  
額解錢糧向有隨平餘銀四千兩從前俱係院道  
兩衙門公用今據兼管河庫道張其仁見臣往來  
盤費無出稟稱職道自雍正二年經收起除職道



衙門日用以及各項工食雜費一年不過千金即可足用每年尚餘銀三千餘兩請將此項餘銀為看工僱覓船隻車輛等項之需等語但臣受

恩深重平時絲毫不敢苟且今此項銀兩若不

奏明何敢擅用倘蒙

皇上天恩將前項隨平銀兩賞給微臣俾臣看工之盤費無缺隨巡之食用有資益得殫竭心力辦理河務獲申圖報愚誠皆出我

皇上高厚之賜也謹此冒昧瀆陳伏乞

皇上睿鑒施行謹

奏

此項通融甚好應取用者知道了卿之清勤朕所深悉  
勉為之

同日又

奏為請

旨事竊照洪澤一湖乃全淮之水櫃藉以濟運敵黃為

河防第一要區查攔湖石岸土堤綿長一百餘里  
昔年因恐湖水泛漲堤工不能容納與淮揚以下  
運道民生大有關係是以設有滾水石壩三座口  
門各寬五六十丈不等以備宣洩暴漲之水又查  
此滾水石壩以南舊有天然土壩二道各寬六十  
餘丈亦係洩水之口原因此地土脈甚堅雖遇大  
溜奔騰不能衝其硬底傷其土岸故以天然得名  
此係全湖關鍵必俟異漲之水石壩宣洩不及之

時不得已而始行開放者也乃今歲夏秋之間黃  
淮大漲周橋一帶攔湖石堤出水止剩一層工程  
甚是危險無如石壩之門檻太高不能過水及至  
周橋一帶水勢幾與堤頂相平而石壩滾出之水  
不過五寸各工紛紛告急臣念勢迫事緊隨飭道  
廳各官將天然土壩二道盡行挖開以資分洩詎  
意此壩雖開而異漲之水仍未甚減不得已又將  
天然二壩兩邊土岸挖寬一百六十餘丈以洩其

盈當此之時湖水平岸倘或稍有風浪則全湖幾至不保幸賴

皇上洪福經月之久西風從未一作湖水漸次消減工程得以平穩伏查滾水石壩三座乃宣洩之要工當此湖水大漲之年不能分洩尺許幾至誤事者皆因創建之時未審地勢之情形水面之高下安砌門檻太高之故也臣近見

皇上頒發儀器測度地勢於河工高下之宜甚有準則

臣曾將此滾水石壩原立門檻太高不能隨勢洩  
水緣由在

欽差諸臣面前望

闕跪請代奏仰懇

聖主勅令諸臣於明春查閱海口膠河之便就近遶至  
湖堤將此石壩口門動用儀器測度地勢俾臣得  
以合其高下之宜改落石壩門檻庶全湖之宣防  
有準水大聽其自洩水小聽其自蓄運道民生萬

年永賴矣緣係防湖要務臣未敢擅便為此具摺  
請

旨伏乞

皇上睿鑒施行謹

奏

所奏動用儀器測度地勢之說已諭何國宗等矣據靳  
治豫甚言滾水壩之無益盛稱減水壩之有功但朕實  
未洞徹河務關係甚大不便自立主意全賴爾悉心通

盤打算酌量為之差靳治豫來非因其才具優長也不過因伊係靳輔之子或其議論可採少有幫助爾處亦未可定故遣伊前往較爾之屬員輩自必少好朕觀其人亦屬中材所論亦不過據其父當日而言未見有出奇識見也伊到時果與爾有益則留用倘多事掣肘密奏以聞

至爾奏內既名為天然壩拆毀恐非所宜雖云出於不得已但恐暫獲目前之利而遺後日之害耳亟當為預



# 防之計


一河工險要之處宜先期備料以濟急時之用也凡河務同知通判承辦料物歷年於秋汛後在道庫領銀採辦轉瞬寒冬勢難搬運俱俟來年正二月間始往各處採買但物料產非一處蘆葦出在海套蒙蘇出在河南椿木又在江寧其間搬運維艱一時難以畢集以臣愚見應於先一年開印後承領次年辦料銀兩令其分頭

採買陸續運工仍着河營守備將到工料物一  
月一報定限霜降後運齊工所總河遴委賢員  
協同地方印官查核出結呈報倘察出徇隱均  
治以罪則料物緩急足恃而冒銷虧空之弊亦  
可除矣

有人條奏此一事或與河務有益否觀其所論亦屬有  
理但恐不得其人錢糧似覺可虞爾其盡心籌畫酌妥  
具奏



硃批諭旨卷二上



總校官庶吉士臣侍朝

校對官編修臣莫瞻菴

謄錄監生臣朱其淵

欽定四庫全書薈要

史部

硃批諭旨卷二下

詳校官編修臣繆晉



欽定四庫全書薈要卷七千八百七十二

史部

硃批諭旨卷二下

硃批齊蘇勒奏摺

雍正四年二月初九日總督河道

臣

齊蘇勒謹

奏為遵

旨詳議覆奏事雍正四年正月十一日恭接

皇上發下條奏一摺奉有

硃批諭旨到臣該臣看得河工備料每年於霜降後按

其工程之險易量其丈尺之多寡陸續酌發銀兩  
分頭採辦於來春二月中旬各料辦齊或總河親  
歷驗看或委員盤查必令足數堆貯工所以備修  
防之用若遇新報險工再行量給添買此成例也  
案查先年原任庫道馮佑等虧帑各案河員有領  
去帑銀而物料工程並無實據者甚多及至叅出  
所虧已至數十萬兩歷經前任各河臣催追二十  
餘年多屬人亡產盡至今毫無完解

臣

細察其由



無非指稱辦料名色將領去帑銀營私肥己兼以  
請銀之時轉詳之道員批發之總河各扣十分之  
一二以致領銀入手已耗十分之五六欲其辦料  
足數修工有據不可得矣及其事已敗露上司礙  
難叅追不得不任其開銷互相掩飾遂使正項錢  
糧咸飽無饜貪壑臣到任之初目擊河政廢弛當  
卽

奏明將屬員內有辦料無實做工無據者屢經嚴叅

治罪勒限追賠近覺領帑之員稍知儆戒然臣每  
遇廳官領銀辦料之時不敢放心或另差妥役押  
催採辦或另委別員眼同購買三年以來始覺前  
弊漸除畧有頭緒夫以廳官領銀數月之間臣尚  
恐其花費不能防範今欲於前一年開印後給發  
錢糧令承辦次年之料則時日太寬難於稽察必  
才守兼優之員方可委任誠如

聖明所照

臣

實難得其人若照條奏所云是非所以杜

虧空之弊適足以開虧空之端斷然不可行也況  
邳州以上攬用林稽宿遷以下採買海葦瓜洲一  
帶純用蘆柴上下相去俱各不過三百餘里與夫  
椿蔴等項多係水運自霜降以至清明五月之限  
綽可辦齊亦不至遲延干咎也所有不便隔年發  
帑辦料緣由

臣謹遵

旨詳議覆奏伏乞

皇上睿鑒謹

奏

所奏是當之至朕原甚不然其說但既有此論其中或不無些少裨益所以詢汝者此意耳今覽爾奏朕洞徹矣

雍正四年五月二十四日總督河道臣齊蘇勒謹奏為恭謝

天恩事臣於工次准工部咨開為黃水陡長致東岸壩臺大埽蟄陷欽奉

恩諭令臣酌量情形倘一時難以施工俟夏秋二汛過

後再行修築等因轉咨到臣跪讀之下感淪肌

髓不禁涕零伏查朱家口漫口於去冬合龍之後

忽被冰凌剗擊以致復潰自今春以來臣念桃汛

將臨勢難延緩晝夜修築幸過桃汛正在預備合

龍物料之際不意水復大漲頓將壩臺埽個條然

陷入水底絕無影響臣身任河防見此情形心神

憂悵寢食靡寧再四躊躇思欲停工以待水消恐

致蹉跎月日亟欲勉強進埽又慮徒費錢糧雖壩頭已經修起終非堵塞之時正在憂心如焚遲疑莫決間乃蒙

聖主洞悉河防之緩急令臣酌量情形倘一時難以施工俟夏秋二汛過後再行修築仰見我

皇上睿慮周詳無微不至使臣愚昧之衷豁然省悟臣凜遵

聖諭細度情形此時惟加謹保固壩臺俟過伏秋二汛

臣上緊督率併力僸修務使大工速竣仰慰聖懷至於河工通盤修理事宜俟兩廣督臣孔毓珣到工時會同細商妥議另疏具

題外所有微臣感激頂戴之忱謹繕摺恭謝

天恩謹

奏

知道了凡百惟只自盡其心敬慎爲之以聽

天亦不必憂悒焦思若致神志昏亂反與事無益也

雍正四年十二月十七日總督河道臣齊蘇勒謹

奏爲微臣戀

主情殷恭請

陛見敬聆

聖訓以慰下悃事竊臣蒙

皇上隆恩畀以全河重任四年以來一應修防事宜仰

蒙

聖主多方訓示俾臣得有遵循俱已次第修築今朱家



口堵閉合龍則黃河自豫省以至海口兩岸埽壩  
鞏立全河堤防俱已完整而洪澤一湖年來蓄水  
充盈藉以敵黃濟運刷深海口現在欽遵

諭旨又復加幫大堰益可以保永久此皆我

皇上宵旰勤求無刻不以生民為念故於四載之間創  
成萬世利賴之功也伏思

聖主成功非易而保守之道尤難且河工之理甚奧其  
中權宜不一臣每有口欲言而筆難殫述者若非

跪陳面

奏未能詳悉原委再

尚非衰老之年年逾六旬素有殘疾今歲伏

不妨

卿為

國忠勤想

秋間兩足軟細非人扶不行近患心跳脾瀉之症

上蒼自

必倍賜福壽也現患之症不過偶因積勞所致今

日覺精力漸衰伏念臣遠離

工程業已就緒而感河清之瑞此一喜一暢自應全愈

闕庭已經四載犬馬餘年戀

精神更加矣

主情切當此河工告竣而春汛未至尚非嚴防之候所

有預備料物早已發帑購辦值此閒隙正可趨赴

京師懇乞

皇上俯賜准臣

陛見俾臣得以瞻覲

天顏敬聆

聖訓庶河防善後保守事宜臣更識所遵循而犬馬戀

主之忱亦可藉以稍慰矣為此繕摺請

旨伏乞

皇上睿鑒施行謹

奏

朕覽奏知卿抱病深爲懸念皆卿不惜心力過勞之所  
致雖有善後保守事宜須應面奏但天氣寒冷以老病  
之軀往返奔馳朕心實爲不忍可於孔毓珣過淮時向  
伊備悉述明來京奏朕伊回任時將朕諭旨口傳與卿  
即係一般今已差醫院第一良醫前來調理卿疾料卿  
托

上蒼垂佑必獲痊愈至河工事宜孔毓珣傳旨或仍有不  
妥協處俟明歲卿體全愈至冬間再行奏請陞見面爲

酌定可也特諭

雍正五年正月二十八日總督河道臣齊蘇勒謹

奏為遵

旨奏明事臣弟邊塔哈密傳

上諭令臣酌估修建

金龍四大王廟宇一事臣謹查江南黃河一帶所建

龍王廟宇甚多或地處沮洳或廟貌狹小均不足以  
壯觀瞻惟宿遷縣西皂河之廟地勢高阜四面寬

敞廟貌軒昂且介於黃運兩河之間與朱家口相

照依

近若將此廟大殿添新補舊復加修整并改造大  
所奏修理選委謹慎之員以董厥事務期堅固  
門儀門配殿廊房外面週砌圍牆修造鐘鼓樓以

及建立牌坊蓋造東西道院油飾彩畫裝修等項  
共約需銀九千餘兩庶幾廟貌輝煌堪垂永久再  
查

金龍四大王姓謝名緒係浙江錢塘縣下墟里人為  
宋室戚畹盡節成神因其靈顯歷加封號其墓即

在下墟之金龍山內子孫聚族其下世守勿替前  
有裔孫生員謝胡端以先神祠墓僻處山鄉歷年  
久遠在在傾頽呈請捐修前來當令估計共應需  
銀三千九百餘兩可以煥然完固向因衆力不齊  
費無所出是以尚未興舉臣思本籍祠墓乃靈爽  
之所憑依況

### 河神翊戴

聖朝屢多顯應似當將其本籍祠墓亦行修整以彰

盛典臣未敢擅便理合一併查明密奏恭請

皇上聖裁謹

奏

祠墓亦係應修者此二處工程仍照豫省新建廟例動  
用內帑修理不拘何項錢糧暫時那用後咨明戶部在  
京抵銷可也

同日又

奏為恭謝



天恩事

臣

接准部咨蒙

皇上特賜

臣

以太子太傅崇銜

臣

聞

命之下感愧交集伏思朱家口前因漫工水險堵塞甚難荷蒙

皇上洞悉河防之緩急

特旨訓示令

臣

酌量情形俟過夏秋汎水相機進埽因

而始得合龍況於隆冬之候天氣尚自和煖兵夫揮汗趨前大工易於告竣者皆由我

皇上至誠愛民上感

天心百靈効順之所致今以

皇上之天功加臣以非分之榮臣實惶悚無地圖報彌

難除另具疏叩頭

奏謝外合再繕摺恭謝

天恩謹

奏

朕為河清之瑞加恩卿等諸臣之諭已頒行矣若以感

應之理而論卿尤為切近此乃

上蒼神明之所賜何惶悚之有耶

同日又

奏為恭謝

天恩事雍正五年正月初七日

臣齋摺家人回南恭捧

皇上硃批奏摺

御賜福字暨荷包貂皮磁器哈密瓜冰魚鹿尾湯羊奶

餅等件到工

臣隨恭設香案望

闕叩頭謝

恩祇受訖伏讀臣前恭請

陛見摺內欽奉

硃批蒙

皇上憐臣草芥病軀倍加軫恤

溫語諄諄不啻家人父子兼以

錫賚多珍

殊恩優渥臣跪讀拜受之下不禁感激涕零自念臣何

人斯受

恩若此雖粉身碎骨曷能報稱茲復蒙

皇上特遣臣弟邊塔哈隨同醫官劉裕鐸齎帶

恩賞人參等物於正月十七日來至清江臣弟口傳

上諭矜恤備至臣謹叩頭謝

恩敬延醫官開方調治自服藥之後稍覺心神漸定脾

疾漸瘳

欽棟良醫洵非凡手從此犬馬餘年皆出

天恩再造臣感淪肌髓難措

奏謝之詞惟有率臣家屬闔門頂頌敬祝

聖主萬壽無疆

皇圖永固而已為此具摺恭謝

天恩謹

奏

覽卿奏摺聽邊塔哈口奏卿體光景并閱劉裕鐸奏帖  
深慰朕懷當加意自愛調攝飲食起居慎毋辜負朕意

也

雍正五年二月初九日總督河道臣齊蘇勒謹

奏為欽奉

上諭事竊臣接准部咨蒙

皇上以江南水利事關重大

特命臣等會同悉心踏勘詳加酌議倘齊蘇勒河工緊  
要不能親身前往即行文知會商酌定議具奏欽此

仰見我

皇上無刻不以河防為重之至意嗣副都統李淑德來  
至清江口傳

上諭念臣微軀有病

命勿勉強前往臣跪聆之下感淪肌髓臣何人斯仰邀  
聖主垂憐一至於此伏查江浙地方素稱澤國萬姓粒  
食全賴水利我

皇上念切東南赤子引開經久之圖備旱防潦洵屬養  
民首務但其地勢之高下水源之遠近臣非親歷



其境目擊其形則一切蓄洩之宜消長之勢不敢  
懸定今江南預防挑汛事宜已完山東小挑工程  
已竣河南修防做法亦皆分行檄飭臣於此時正  
可放心前往的於三月十二日起程赴蘇會勘以  
便定議具

甚好

題再臣草芥微軀自醫官劉裕鐸用藥調治以來心  
跳之病已痊惟脾氣尚未全瘳復荷

聖慈差醫官胡麟徵前來商酌調劑實屬

恩同覆載臣雖粉身碎骨曷能報稱今臣與醫官劉裕

鐸胡麟徵同舟南下沿途調理仰蒙

聖主福庇往返月餘乃朕所深望者回署之日再

行送劉裕鐸等回京則臣犬馬餘生皆出

天恩再造也為此具摺恭謝

天恩謹

奏

覽所奏并醫官奏帖朕深為慰悅當慎加節養以副朕

意諸凡可以令人代勞之小事不必一一親歷必遵朕諭而行毋稍勉強

雍正五年閏三月二十四日總督河道臣齊蘇勒

謹

奏爲恭謝

天恩事竊臣去年患心跳脾瀉之症日見精力衰憊自

揣難望痊可乃蒙

聖主惻然憐憫破格施仁

特命醫官劉裕鐸齋帶

恩賞人參等物南來診視俾

臣心跳之症得以痊愈更

蒙

聖恩命醫官胡麟徵前來商酌調劑仰賴

聖恩優渥更兼劉裕鐸胡麟徵和衷商酌細心調治臣

之脾氣未瘳者今則霍然全愈精力日覺健旺是

臣犬馬餘生皆出

天恩之再造矣

臣

惟有率領闔家大小望

闕叩頭朝夕焚香頂祝

聖壽無疆而已今於本月二十四日臣謹差員恭送劉

裕鐸先行進京以慰我

皇上軫念微臣至意再醫官胡麟徵臣等公同商量再

留數日俟臣所服丸藥愈加見效即當另行恭送

回京則草芥微軀更沐

皇恩於無旣矣為此具摺恭謝

天恩謹

奏

覽卿奏謝暨劉裕鐸到京面奏之言知卿已全愈朕如獲珍寶欣慰之心筆莫能喻病愈之後尤宜更加節養以仰承朕念胡麟徵令其在彼多留幾時候旨再來可也

雍正五年七月二十七日總督河道臣齊蘇勒謹

奏爲恭謝

天恩事臣齊摺家人回南恭捧

皇上硃批奏摺并

恩賞涼帽一頂到臣臣隨恭設香案望

闕叩頭謝

恩祇領訖竊臣久抱沉疴自揣難痊仰蒙

聖主格外施仁

特命醫官來南診視俾臣痼疾得以全瘳似此再造之

洪恩臣實感淪肌髓粉身難報當送醫官劉裕鐸回京

時臣曾具摺奏謝

天恩復蒙

聖主垂憐諄諄誠訓

天語慈祥

恩逾罔極跪讀之下不禁感激涕零又蒙

賞臣涼帽一頂炎暑之際仰荷

如雲之庇臣何人斯受

恩若此惟有盡此犬馬之餘年矢勤矢慎以圖報

高厚之恩於萬一耳臣再有請者前奉



諭旨胡麟徵令其在彼多留幾時候旨再來欽此竊臣

自服丸藥之後脾疾即已全愈入伏以來胡麟徵  
又復加意調劑臣之精力益覺健旺嗣後即可照  
方常服無煩時加診視所有醫官胡麟徵相應請  
旨以便恭送回京伏乞

皇上睿鑒施行謹

奏

覽卿奏謝知道了聞卿體全愈朕心之喜雖獲珍寶不

足喻也另有旨諭胡麟徵卿等酌量再定行止

雍正五年九月初九日總督河道臣齊蘇勒謹

奏爲請

旨事竊查黃河入海之口向年設有葦蕩一營專管採  
割葦柴以佐工用嗣經裁革之後以致河工所需  
葦束盡皆費帑購買商販居奇料價騰貴臣於雍  
正四年二月內奏

聞請復設採葦戰守目兵一千二百三十名採割葦柴

以濟工用其舊制遊擊一員恐不足以資彈壓請  
改設叅將以重其任等因具

奏仰蒙

皇上恩准

欽點遵化城守營遊擊馬義補放葦蕩營叅將於四年  
六月內到營任事該叅將自到任以來小心趨事  
調度有方將雍正四年分所產葦柴盡數搜採除  
題定額交葦柴一百五十萬束之外又復多採中柴

三十六萬餘束以交工用至海口通洋要地乃魚  
鹽出入之區更為緊要該叅將於阨要處所往來  
查察邇來海口一帶匪類潛消地方無事是皆我  
皇上知人善任之所致也今馬義已經陞補浙江嚴州  
營副將臣理應靜候補放之員交代任事何敢瀆  
陳但葦營新設未久一應採割巡防事宜始有頭  
緒倘新舊一換未免事經生手另費一番措置仰  
懇

皇上准將馬義以副將暫管葦蕩營叅將事務再留一  
二年俟葦營諸務安定之後再行調補底新立營  
務得以整頓全妥而於海防河務兩有裨益矣謹  
先行具摺

奏請

聖訓以便繕疏具

題伏乞

睿鑒謹

奏

此奏甚是馬義原係上好之員尚未料其能如此實心  
効力已有旨諭部著以陞銜留任矣令其在葦營料理  
數年朕將另用伊爲總兵再者爾之操守及辦事勤慎  
練達俱無可議惟於糾察屬員頗爲不及多有人論爾  
此一節如効力人員內有不安者斷不可姑容久後必  
致被其連累當思小人輩之感恩誦德不抵己身受害  
之重也如胡璉等其父聲名人所共知即胡璉亦屬姦

邪小以此輩留之無益可惜清白一身何故甘爲屬員  
牽連向後當猛醒改革慎之又慎務須將河工諸弊剔  
除淨盡方是勉之

同日又

奏為恭謝

天恩事臣齎摺家人回南恭捧

皇上硃批奏摺

恩賞人參荔枝到臣隨恭設香案望

闕叩頭謝

恩祇領訖竊

臣

一介微軀寸長莫効前抱沉疴仰承

聖主垂憐兩

遣醫官再

頒參餌俾痼疾得痊更生有慶又蒙

溫諭諄摯周詳

臣

跪讀之下不勝感激涕零即

天地之生成父母之鞠育寧有過此

臣

雖捐糜頂踵實難

圖報

臣

自夏秋以來幸賴胡麟徵加意藥餌調治



有方臣之精神益覺健旺飲食亦復加增臣等商酌以後只須照方常服丸藥似可無煩再加診視惟當仰遵

聖諭加謹節養保此犬馬餘生以圖上報

高厚所有醫官胡麟徵臣謹差員恭送回京以慰我皇上俯念微臣之至意臣率臣家屬焚頂望

闕叩頭恭謝

天恩謹

奏

胡麟徵回京奏卿全愈朕心喜慰實如獲珍寶覽卿奏謝知道了惟當慎重保養量力而動毋令過於辛勞敬之慎之

雍正六年二月初八日總督河道臣齊蘇勒謹

奏爲恭謝

天恩事竊臣猥以菲材叨膺重任仰賴

聖明多方訓誨俾臣遇事知所遵循數年以來得免隕

越犬馬戀

主之情無時不縈寤寐幸蒙

特沛恩綸允

臣

陞見伏覩

聖情悅豫合六字以同春面聆

天語周詳統八荒於在宥

乾綱獨運一本大公之心庶政咸宜悉協時中之道

宵衣旰食刻不遑寧

純孝至誠久而彌篤固宜

上天眷佑景福駢臻萬國畏懷四方寧謐者也臣以草芥

微軀仰荷

生成大德涓埃未効夙夜滋慙乃蒙

俯鑒愚誠

恩施格外

顧問則榮逾三接

賞賚則數及萬金

寵錫便蕃慰勉交至此誠一時罕覯之

殊恩亦屬千載難逢之

曠典也不惟臣一身蒙被實感戴於無涯即至臣奕世

子孫皆頂祝於靡既名言莫罄類

高厚之難酬銘刻不忘誓捐糜以圖報謹此繕摺恭

謝

天恩伏乞

睿鑒謹

奏

覽卿奏謝知道了數年以來念卿年近遲暮又勤於國事不惜精力前歲大病雖聞全愈朕心未免懸懸此番來京見卿精神色力實喜出望外朕懷深慰凡百不必過於任勞仍遵朕面諭之旨節慎起居量力為之特諭

同日又

奏為欽奉

上諭事竊河南雷家寺一帶堵截支河開挖引河一事

臣  
欽遵

聖諭於正月三十日前至河南雷家寺工次會同副總  
河臣嵇曾筠沿堤逐加詳勘看得黃河大溜於北  
岸雷家寺上首刷成支河三道沿堤走溜直至三  
家莊埽壩頂衝之處抵其大溜始歸正河我

皇上明燭萬里於河圖之上

硃批諭旨此支河雖在在險工尚有敵三家莊頂衝之  
力此支河斷流則此三家莊埽工當著實留心欽此

仰見我

皇上洞悉河防恐致顧此失彼之虞深合以水敵水之道凡屬在工官弁敬聆

訓諭莫不極口稱頌中心悅服

臣

等細加相度河勢情

形今此引河一開支河一堵則三家莊頂衝之勢

好

自必增重必須先於三家莊埽壩受衝之處添築迎水大壩一座以抵全黃直衝之力方為至當再查山東曹縣所屬芝蔴莊埽工地居三家莊之下



游正對黃流之埽灣水勢甚屬猛悍應於舊埽上  
首添築挑水大壩一座挑溜開行以順其勢庶上  
如此朕始放心下俱保萬全矣除開挖引河堵截支河已經會

題動帑興工外其添築之迎水壩臣等現在指明壩

基令各該員動銀備料尅期償竣以資鞏固所有  
臣等公同細加詳勘情形擬合繕摺奏

聞伏乞

皇上睿鑒施行謹

奏

此段河工朕未獲親履其地今向卿等論方畧可謂班門弄斧也覽奏朕實抱慚

同日又

奏爲奏

聞事伏查山東運河仰蒙

皇上念切運道民生於雍正元年

特頒

諭旨大興挑浚又令臣等疏浚泉源收蓄湖水作為水櫃以資接濟是以歷年糧艘通行無阻此皆我

皇上首以漕運為重預為籌畫之成效也今臣自京起程由山東運河一路踏勘各汛大挑工程內除臨清南旺濟寧彭口一帶泥沙易積之處現在挑浚即可清理外其餘河道因去歲水勢充盈俱各深通如故臣沿河逐加探量計其水深無容挑挖之處約可節省幫貼夫食銀二萬餘兩當經插標立

好應

修築者

俱建有束沙壩工亦不過包裹口門而止其餘堆貯泥沙聳然壁立之處亦應修築護崖攔沙工程以免坍卸入河之患方為萬全臣今細加相度將此沙堆壁立處所於臨河一面挨釘排椿鑲以板

此論

是

片中間填以實土作為緯道庶河崖不致坍塌積沙不能入河而挽緯之衆亦得平路而行此項排椿工程較諸束沙埽壩不惟費省工堅且於挽運大有裨益又查運河兩岸堤工歷年久遠風雨剝蝕卑矮殘缺之處甚多從無修補之項臣前於陞見時已將此堤情形

奏明但其中有逼近城社關係水櫃要地者亟宜擇段增修預爲圖計案查定例山東運河每當大挑

之年共幫貼夫食銀六萬餘兩經臣

題明於歲底查核倘有贏餘即存爲下年之用  
在案除雍正三年分節省過幫貼銀兩已經

題明動用修理禹王臺工程外所有前項應修排樁

堤岸等工合行奏

如不敷用再行題請或摺奏以聞

聞請將雍正五年分節省挑淺銀二萬餘兩動用興修

底錢糧盡歸實用將見河深堤固一舉兩得於漕  
運大有裨益矣除飭充寧道將應設排樁板工并

應行修補堤岸之處據實確估工程細數另疏具  
題外所有臣踏勘過運河情形擬合先行具摺奏  
聞謹

奏

具題到日有旨

雍正六年四月初十日總督河道臣齊蘇勒謹

奏爲奏明事恭照浙江錢塘縣地方奉

旨修理

金龍四大王祠墓前經臣

奏明共估銀三千九百餘兩當即委員前往會同錢塘縣知縣購料興工在案今據報稱於上年十一月二十六日完工共用過工價料物銀三千九百九十九兩零等因造冊呈送前來除將用過銀兩現在查核另行咨部抵銷外茲據淮徐道康宏勳詳稱職道前在睢寧工次於堵築漫口之際屢見神明顯佑若式若憑陡遇工險隨禱輒應彼時立願



酬

神無由圖報今江南浙江兩處俱荷

皇恩勅建祠宇氣象輝煌永昭祀典職道情願自捐家  
資三千兩以一千五百兩交付江南宿遷縣以一

千五百兩解交浙江錢塘縣各於廟工附近處所  
憑公置買田疇以備朝夕香火不時修葺之用庶

草芥微忱可以稍盡等情到

臣臣

見該道酬

神願切事屬可行已批飭該道將所捐銀兩分交江

浙兩處令各該地方官收存置備所有錢塘縣地方廟工完竣日期理合繕摺奏

聞伏乞

皇上睿鑒施行謹

奏

廟宇工程出於朕之誠意毋容捐助置買田地以爲香火之資康宏勲既有此願自屬可行

雍正六年七月二十八日總督河道臣齊蘇勒謹

奏爲黃運兩河大工告成仰祈

睿鑒事恭惟我

皇上念切運道民生

特命臣等遍將各工通盤修理臣欽遵

諭旨會同廣東督臣孔毓珣將兩河之古堤舊岸卑薄  
殘廢之處并昔人做法錯謬徒費無益之工勘明  
具

題復荷

聖恩以此項工程浩大恐臣難以親歷周到

欽命工部侍郎臣靳治豫奉天府府丞臣黎致遠專司

稽察之責俾臣得以併力巡視不致周章所有應

行修理石土閘壩等工當即挽其錯謬救其頽廢

截長補短次第修舉今於本年七月二十七日通

行修理完竣計幫修過土堤共長十一萬七千餘

丈修砌過磚石等堤共長一千三百餘丈修築過

埽壩防風排椿等工共長一萬四千一百餘丈創

築過月格等隄共長二萬八百餘丈疏濬過河道  
共長五千四百餘丈修砌過石閘六座石礮一座  
查黃河自碭山縣以下至海口運河自邳州以下  
至江口縱橫綿亘三千餘里兩岸隄防增新補舊  
一例高寬平整全河永慶安瀾矣臣等現在勘驗  
各處做過工程統俟勘明收工之日另行恭疏具  
題外謹將遵

旨通盤修理大工全竣日期先行繕摺奏

聞伏乞

皇上睿鑒謹

奏

欣慰慶幸覽之此皆卿忠誠任事蒙

上蒼鑒佑所以毫無阻滯得成就此舉嘉悅之懷不可筆  
喻題到時另有旨

雍正六年九月初七日總督河道臣齊蘇勒謹

奏爲請

旨事雍正四年正月十一日臣奏請測量洪澤湖滾水壩門檻一摺奉有

硃批諭旨

臣

敬銘在心伏查工部侍郎靳治豫伊父莅

任總河時原未隨帶來工所有河防事宜從未習諳今已年逾七旬耳聾眼昏往往言語顛倒屬員難以適從因伊前有條奏事件臣等未及會勘議覆是以未便遽行奏

聞前臣於

陛見時仰蒙

天語下詢

臣

謹將靳治豫年邁及不諳河務緣由口

奏當奉

諭旨俟靳治豫條奏之事會勘完畢之日爾即密摺奏  
聞再行調回欽此今查靳治豫條奏黃河添設減水  
壩及堤坡栽種茭草等款經臣等同伊會勘不惟  
於河防毫無裨益且於堤工民社大有妨礙業已  
會疏



題覆在案再照靳治豫家口甚衆專事奢侈

恩賞養廉銀二千兩未及三月業已全行支用誠恐所轄屬員甚多掩臣耳目漸有需索應付等弊大有未便錢糧重地似不宜於久駐者也謹遵

旨密摺奏

聞仰懇

皇上俯念河工重大地方濶遠另

簡賢臣來工協理俾臣得贊勦有人不致鞭長莫及感

戴

聖恩於無既矣伏乞

睿鑒謹

奏

覽奏朕自另有諭旨至於工所現有二人令其隨卿學習何必又簡賢員前來協理耶

同日又

奏爲大工告成期保永固事竊照黃運兩河年久殘

廢之工仰蒙

皇上不惜數十萬帑金

特命通盤修理遍將兩岸隄防一舉全成但此項大工縱橫綿亘數千餘里其保守之道尤不可不預爲籌畫者也查從前堤頂之上愚民私蓋房屋櫛比而居竟有民舍坐臨險工之上者不惟搶護之候有礙捲埽之地一時不能拆毀每至周章而且久住房內或鼠穴叢生或人畜踐踏其中不無孔隙

穿漏之虞更爲可慮臣於上年遵

旨通盤修理卑矮各工俱以增高一丈爲度而淮安府  
寶應縣之城門外其居民佔住之堤頂更屬卑窪  
若不急令拆房讓地取平加高是因堤上之草房  
數楹而故留一大缺口矣彼時臣按照房數給以  
重價令其星速拆讓隨即晝夜買土儼築一律加  
高詎意工甫就而大水至所長之水較比舊日堤  
頂高出四尺有餘此時遷移之衆方知從前居堤

上者必無生理而臨湖居民見此利害漸有自行  
避險遷移者今沿河堤工凡係險要處所已經拆  
讓加幫惟是遙月等堤與運河緯道道里綿長鄉  
民佔住日久一旦盡令遠遷恐致失所臣之愚見  
嗣後堤頂民房如有遇傾圮之時一槩禁止重修  
令其移蓋於堤傍高隙之處逐漸遷移數年之內  
即可以除傷堤之患而河工搶護亦不致於礙手  
民社河防兩皆有裨矣再查佔住堤上房屋內有

輸納房租者自徐邳以至江口每歲徵銀不過百有餘兩其有益於

國課者甚少而爲害於河防者甚大此項錢糧應請聖恩豁免庶可以杜私佔之由而緊要官堤均得以永保鞏固矣爲此具摺恭請

聖訓伏乞

睿鑒施行謹

奏

此事卿於去歲已面奏過此奏朕忻悅覽之酌量有應具題處具本題來朕以便降旨飭行

同日又

奏爲覆奏事竊臣恭接到

硃批諭旨邳州一帶聞有蝗蝻生發地方官撲捕甚不下力今如何光景訪問確實奏聞欽此臣細訪得江

南之邳州與山東之沂州兩境交界處所於本年六月內偶有蝻子生發兩州之民彼此各保其界

不肯相助爲力幸而蝻子初發易於撲滅不致有

傷田禾竊思民風澆薄亟宜挽回臣每見失火之

因此

處日前有預備救火之諭也附近隣衆惟羣聚毆鬧起火之家毫無爭先急

救之狀撲蝻一事亦皆如此當蝻子初發之際即

時就地撲滅何至蔓延成災皆由地方官素不訓

飭任民玩延混稱蝗不入境自詡循良而無知鄉

此等

情弊朕所洞悉所以近有嚴諭任其推卸朕但以民又以蝻生他人之田憚於撲捕互相推卸遂使

平昔

吏治之高下品定其勤惰料不至於差錯兩江吏蝻子長成漸至飛揚不可撲滅此習甚屬可惡應



治不堪已極奈不得人而用亦無可如何之事

請

聖旨勅部嚴定處分以戒地方官員之玩忽并懲小民  
風氣之澆薄庶防患於未然而官民咸知儆惕矣  
又訪宿遷睢寧二縣於六月二十前後亦間有蝻  
子生發之處當即撲滅亦未有傷田禾理合據實  
密摺覆奏伏乞

睿鑒謹

奏

覽

一運河挑淺舊係河官之事沿河州縣供億夫役而已今皆責之州縣官領帑挑濬夫河官原係家道殷實之人効力河工故另設大計以年歲之久近職業之修廢定其黜陟以其各有攸司也今既責之州縣則河官將何所事乎且不特此也巡撫總河勘河查河又多帶河官以察州縣之能否所至地方奔走供億其費不貲一

不當意則從而持其短長是前此河官之黜陟  
操之總河而今此州縣官之進退操之河官前  
此勘河查河之供億止一巡撫一總河而今此  
勘河查河之供億且數十巡撫總河矣又豈非  
山東州縣官虧空之一端乎伏懇

皇上勅諭總河凡一切河工仍宜責之河官不得他  
諉則州縣官得以專其職守或親臨查勘或委  
官查勘勿得多帶官吏借端需索則供億不繁

而州縣之虧空可杜一端矣

有人條奏此一事爾宜大為留心若不令州縣官協力相助又恐河官呼應不靈有掣肘之虞今若據此奏而論在地方官實為難堪爾其再四嚴飭屬員慎毋仍前擾害地方倘被朕訪出連爾等上司必一併治罪亟當嚴加誡飭不可稍有疎懈

雍正六年十二月初十日總督河道

臣齊蘇勒謹

奏為請除河工積弊以固運道事竊照東省河道定

例一年一小挑間年一大挑所有額設淺溜泉壩等夫不敷應用遂派民夫協濟續經山東撫臣佛倫

題明酌令民間按畝出錢幫貼催夫以均徭役既不妨農業又不誤工程歷來稱為甚便無如奉行不善法久弊生地方官以少派多就中漁利管河官捏淺作深希圖分肥臣查大挑之年各州縣幫貼之銀約計六萬餘兩小挑約計四萬餘兩俱係地

方官徵收僱夫給發工價案查此項幫貼銀錢年  
年均屬全收全用從無餘剩亦無不足夫歷年水  
勢豈無大小之分河底泥沙豈無多寡之異而皆  
處處一樣挑浚年年一樣銷算毫無分別明係地  
方官與管河官通同冒銷彼此分肥無惑乎向年  
運道淺阻以致如是也自雍正元年荷蒙

皇上特頒

諭旨寓賑濟於興役之中大加挑浚之後河道賴以深

通糧艘通行無阻但東省河道噴沙無定易致淤  
淺其每年挑浚之工必不可少此項幫貼銀兩自  
雍正三年奉

旨令臣稽查之後臣於每年挑浚之時仍恐河官作弊  
俱令探量河底之深淺所積泥沙之多寡插標立  
記擇段興修淺者務要深通深者無庸挑浚至雍  
正五年共節省過幫貼銀二萬七千二百餘兩今  
雍正六年小挑按工估算又節省銀二萬二千七

百餘兩又有存剩黃河廳屬雍正五六年分徭夫  
幫貼銀一萬一千四百餘兩以上通共節省過銀  
六萬一千三百餘兩現今貯庫以充正項錢糧之  
用臣恐此外又有別項瞞隱情弊復行一面密訪  
一面敬宣

上諭令其自行出首去後今據運河同知及東昌上河  
下河張秋洳河各通判等首出每逢大挑小挑之  
年各州縣俱有餽送陋規銀兩又有每年餽送漕



糧規儀河銀隨平等銀兩伊等有已經收過者亦有自行裁革者又有新任未經收過者查此各河員所受之陋規俱係出於地方官之餽遺而地方官斷非出自己囊自必藉公費之名加派民間理宜速行禁革臣又訪得臨清州知州除正項淺夫銀兩外每於大挑之年派徵銀三千六百餘兩小挑之年派徵銀二千四百餘兩及查該州歷年造報冊內大挑止額收銀一千九百餘兩小挑止額

收銀一千三百餘兩計算所剩之銀為數甚多明  
係該州多徵私用以此一州計之其餘額有幫貼  
之四十州縣其多派銀兩更不知又有凡幾也似  
此指工漁利魚肉鄉民更當嚴行禁革總之嗣後  
保守修防之道要在實力奉行方可以持永久一  
切事宜難容絲毫弊竇容臣查明之日一併具  
題請

旨永行禁革外所有管河官首出陋規地方官多派積

弊緣由理合先行奏

聞伏乞

皇上睿鑒施行謹

奏

朕嘉悅覽之向來河官之積弊不止此一端其餘未協處總賴卿一一次第釐剔之耳

同日又

奏爲請

旨事竊照山東單縣所屬諸望大隄乃係昔年決口之

所其地當黃河北岸距運河不遠關係最爲緊要

本年十一月內河流驟然北移此隄正受頂衝數

日之間嚙崖摧岸塌至隄根副河臣嵇曾筠移送

繪圖商築挑水壩一座藉以挑溜開行餘俟來春

修築等因并致書前來臣念此地素稱險要現在

危如累卵急宜搶救若僅建築挑水壩工餘俟來

春修築誠恐河溜猛悍倘致潰崖所關甚鉅揆其

措注殊失緩急之宜臣當將來圖逐一詳加註明

一面差員備細面陳一面選派効力多員帶領熟

諳椿埽目兵星飛前往搶下樓崖大埽以護其崖

以抵其衝未幾嵇曾筠又囑僉都御史臣徐湛恩

前來面商臣備將護堤樓崖做法一一指示星夜

搶護今已抵住大溜堤工獲保平穩理合繕摺奏

聞再查東豫兩省黃河一切險要工程年來俱保安瀾

成功匪易保守之道尤不可不加謹籌畫以圖永

固但臣看嵇曾筠雖勤慎有志而於修防事宜未甚敏練凡值工程危險之時往往推卸屬員且於估計錢糧每爲河官朦蔽伏思河防關係重大要在協力共勦前蒙

皇上睿謨深遠

勅令僉都御史徐湛恩赴豫協理查徐湛恩在工年久熟悉修防臣之愚見凡屬東豫兩省黃河估修事宜以及一切

所見是但徐湛恩於錢糧上恐信不及其人器局欠大

題奏本章案件仰請

不過小材料耳候朕酌量隨便有旨

皇上准令徐湛恩列名連銜協同辦理庶贊勸得人於

工程錢糧大有裨益矣是否可行恭請

聖裁謹

奏

覽

雍正七年正月十七日總督河道臣齊蘇勒謹

奏為奏

聞事竊<sub>臣</sub>前歲身患心跳脾瀉之症自揣難保乃蒙  
聖主再造之恩

特命醫生來南診視又復屢

賞參餌俾得更生以至今日似此

隆恩優渥<sub>臣</sub>即舉家粉身碎骨曷能報稱不意上年九

月內<sub>臣</sub>身偶患瘧疾氣脈日覺衰憊迨至十二月

下旬病勢益復加增左肋作痛夜不能眠不數日

間骨瘦如柴心神恍惚偃卧床褥已經二旬但<sub>臣</sub>



之病軀尚屬細事而念及河防重務實難放心況一切修守機宜勢若風火必須隨時調度方免貽誤且目下重運經臨一應催趲事務更爲緊要今臣身抱沉疴不能勉強支持再四躊躇日夜難安  
欽惟我

皇上恩待臣下矜恤備至

特諭督撫等倘有一時患病難以辦事者不可勉強支持即著一面奏聞一面將印務酌量委人署理俾得

安靜調攝則所患自然易於痊可欽此仰見

聖主如天好生之深仁體恤臣工之至意臣謹遵奉

諭旨一面將印務飭委淮徐道康宏勲暫行護理一面

飛咨署蘇州撫臣尹繼善星夜來工就近接印署

理并可辦理巡撫事務容臣暫時調理倘於兩三

月間病軀幸得稍愈則此後之餘生皆

天恩之所賜也除另疏具

奏外謹先繕摺奏

聞伏乞

皇上睿鑒謹

奏

覽奏知卿抱病亟宜加意調攝朕仍遣向日之醫官前來診視印務既有人署理靜養數時自必痊愈也

硃批諭旨卷二下



總校官庶吉士臣侍朝

校對官編修臣莫瞻菴

謄錄監生臣朱其淵